

Sila semaksemasa dilafazkan

**UCAPAN YANG AMAT BERBAHAGIA
DATO SERI DR SITI HASMAH BINTI HAJI MOHD ALI
SELAKU PENAUUNG ISDAM
DI MAJLIS PENYERAHAN BANTUAN TABUNG
IHSAN SANG WIRA
DI SRI PERDANA, PUTRAJAYA
PADA HARI SELASA, 5 DISEMBER 2000
JAM 10.30 PAGI**

Pertama sekali selaku Penaung, saya ingin mengucapkan syabas kepada Persatuan Doktor Pakar Islam Malaysia (ISDAM) di atas inisiatifnya menghulurkan bantuan kepada golongan yang memerlukan pada had ini. Hasil murni yang dicapai ISDAM adalah berkat usaha gigih serta sokongan masyarakat bagi membantu golongan yang memerlukan.

2. Kumpulan pertama penerima bantuan ini adalah sebahagian daripada pemohon berbilang kaum yang berdaftar dengan ISDAM sejak tabung ini ditubuhkan setahun yang lalu. Dalam kemampuan dana yang terhad, Lembaga Pentadbir Tabung terpaksa memberi keutamaan kepada pesakit yang benar-benar memerlukan. Kepada yang lain, janganlah berputus asa kerana selagi ada usaha di sana ada kejayaan. Dan kejayaan itulah yang dapat dimanfaatkan pesakit kelak.

3. Bilangan pesakit jantung berlubang dan buah pinggang adalah besar sementara kos rawatan juga adalah tinggi. Justeru badan-badan bukan Kerajaan (NGOs) seperti ISDAM disarankan supaya membantu golongan ini. Bantuan

yang disalurkan berupa bayaran terus bil-bil rawatan kepada institusi yang merawat mereka.

4. Peningkatan taraf kesihatan yang diutamakan Kerajaan melalui pemberian geran kepada pembinaan pusat-pusat rawatan dialysis oleh badan-badan ini serta bayaran subsidi kepada pesakit yang menggunakannya adalah sesuatu yang amat dialu-alukan. Dengan terdirinya banyak pusat rawatan yang berhampiran akan memberi banyak kemudahan kepada masyarakat Melayu.

5. Untuk menubuhkan sesebuah pusat dialysis memerlukan pembiayaan diantara 500 - 600 ribu ringgit. Usaha ini sukar dicapai melainkan mendapat sokongan golongan yang mempunyai sumber kewangan yang kukuh. Pengemblingan golongan profesional di pihak Persatuan dan golongan berkemampuan di kalangan warga korporat akan dapat merealisasikan hasrat tersebut.

6. Di sini saya ingin menyeru kepada golongan yang berkemampuan untuk maju ke depan bekerjasama dengan badan-badan seperti ISDAM bagi membina pusat-pusat rawatan haemodialysis yang amat diperlukan itu. Golongan ini boleh menyediakan ruang tempat yang sesuai sementara kelengkapan peralatan boleh diperolehi melalui skim bayaran yang tidak membebankan.

7. Akhir sekali, saya mengucapkan tahniah kepada para penerima, saya percaya walaupun jumlahnya kecil, ia sedikit sebanyak dapat meringankan beban khususnya mereka yang beragama Islam yang sedang mengerjakan ibadah puasa yang akan menyambut perayaan Hari Raya Aidilfitri. Saya sentiasa mendoakan semoga anda akan diberkati dan dikurniakan kesihatan yang berterusan oleh Allah Subhanahu wa Ta'ala.
